

Date – 13/11/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. **Governor Dr. Hari Babu Kambhampati an vawiin khan DONER leh FICCI te tangkawp buatsaih Northeast Trade and Investment Roadshow, Hyderabad-a neih chu a hmanpui.**
2. **Mizoram chung District zawng zawngah chhian hrang hrang thlen thulha chet lak dan tur leh hmachhawn dan tur enchhin na Mock Drill naktukah neih a ni dawn.**
3. **Jharkhand Assembly inthlan thawhkhathna chu vawiin khan venhimna khauh taka neih a ni**
4. **Prime Minister Narendra Modia chuan vawiin khan ramchhung rel station hrang hranga damdawi mantlawm zawrhna Pradhan Mantri Bharatiya Jan Aushadi Kendras 18 a hawng.**

<><><>

GOVERNOR

Governor Dr. Hari Babu Kambhampati an vawiin khan Ministry of Development of North Eastern Region (DONER) leh Federation of Indian Chambers of Commerce & Industry (FICCI) te tangkawp buatsaih Northeast Trade and Investment Roadshow, Hyderabad-a neih chu a hmanpui.

Governor chuan investor kalkhawm zinga drone pilot training leh service provider-te chu Mizoram Sawrkar nena thawkduna Agriculture leh pawimawh danga drone hman dan inzirtirna buatsaih tura a sawm bakah, technology lama theihna sang tak nei Mizo thalaite chhawr tangkai an nih theih nan IT company leh skill development provider-te chu hun remchang siam sak turin a sawm baw a. North East India chu ram leilung hausa leh theihna sang tak nei a nih thu sawiin, Industrialist-te chu hei hi remchanga hmanga technology nena tangkawpa tan la turin a sawm a. Mau tamna North East State-ah Ethanol siam chhuah chu investment tihna remchang tak a nih thu pawh tarlangin, Sawrkar laipuiin North East hmasawna ngaipawimawha theihtawp a chhuah thu leh hmasawna hrang hrangte a thlen mek bakah ram ralmuang tak a nih chhoh zel thu a sawi baw.

Dr. Hari Babu Kambhampati chuan North East State inkalpawhna tichangtlun turin Kaladan Multi Modal Transit Transport Project (KMMTTP) siam mek a nih thu leh zawhfel a nih hnuah chuan danglamna thlentu leh tangkai taka hman a nih dawn thu sawiin, inkalpawhna leh inbiakpawhna kawnga hmasawna hian industrialist-te tan sumdawna kawng awlsam tak a siam a ni, a ti a. Tunhnaiah NE India-ah inkalpawhna kawngpui km 3000 chuang siam zawhfel a nih tawh thute, kum 3 chhungin km 10,000 siam leh tum a nih bakah project 400 vel baw, cheng vaibelchhe nuaikhat dawn thawh mek a nih thute a tarlang a. Tunhnai kum 8 chhungin Air traffic zaa 113 a a pun thu

leh Airport thar 8 a awm belh thute, waterways 17 a awm belh thute bakah Rail kawng km 400 dawn siam a nih thu leh Aizawl khawpui chu nakumah railway line-a thlunzawm hman tum a nih thu a sawi bawk.

<><><>

CM

Chief Minister Pu Lalduhoma hovin Mizoram Resource Mobilization Committee (MRMC) te chu CM Conference Hall ah vawiin khan an thukhawm a. An rawtna sawrkarin a bawhzui tawh chin te leh sub committee te atanga rawtna lut tharte an thlirho.

MRMC sub committee palite atanga rawtna lut te an en ho va. Heng zingah hian Commerce & Industry department kaltlanga hmalakna tur chi pathum, Taxation Department kaltlanga hmalak tur chi pathum leh Land Revenue & Settlement department hnuai hmalakna tur chi pathum te bakah DP & AR kaihhraina hnuai department inspection neih dan tur te, chak zawk a MRMC rawtna tihpuitlinna tur thil pawimawh te an tel a ni.

<><><>

MOCK DRILL

National Disaster Management Authority leh State Disaster Management Authority, Disaster Management & Rehabilitation Department-te leh Mizoram chung District tina Bawrhsap te hmalakna in naktuk hian Mizoram chung District zawng zawngah chhiatna hrang hrang – leimin, tuilian leh kangmei thlen thulha chet lak dan tur leh hmachhawn dan tur enchhin na Mock Drill neih a ni dawn.

Mizoram hmun tam zawk hi lirnghing nat zawng Seismic Zone - V hnuai awm niin Mizoram hmar lam hi a hlauhawm zual a, hei vang hian inralrin dan zirna neih a ni thin a ni.

Mizoram State Disaster Coordinator Dr. Lalrokima Chenkual chuan naktuka Mock drill neih turah hian ral khel dar Siren tih rik a nih tur thu a sawi a. Chhiatna thleng tura mock drill huaihawtna hmun hrang hrang pan leh hospital panna kawngah te lirthei che vel a tam dawn avangin mipuite chia lo tur leh an hmalakna te thlawp turin a chah a ni.

Kan corr report lo ngaithla zui ang

VC

Mock Drill hi Mizoram chhunga district tinah zing dar 10-ah tan a ni dawn a. Aizawl district bikah chuan Mock Drill hi - Sairang, Vaivakawn Zohnuai leh 7th Day Adventist hospital ah te neih a ni dawn a, Aizawl District huamchhunga mock drill neih turah hian Sairang bikah tui lian a lo thlen thulh a chhanchhuahna hnathawh dan neih a ni dawna, Vaivakawn Zohnuai – ah leimin a awm thulh a chhanchhuahna hna kalpui dan neih a ni bawk ang, Seventh Day tlanga Adventist Hospital - ah pawh kangmei a chhuah thulh a chhanchhuahna hna kalpui dan neih tur a nih thu Disaster Management hotute an sawi a ni.

<><><>

AH&VETY HANDHOLDING

AH & Vety. Minister Pu C.Lalsawivunga hovin Sawrkar flagship programme 'Hand Holding Scheme' hnuaiia AH & Vety. Department kaltlanga pilot phase hmalaknate vawiin khan sawi ho a ni a.

Hand Holding Scheme, Nodal Officer Dr. Robert Rualthankhuma sawi danin Pilot phase atana District AH & Vety. Officer te'n an thlan chhuahte chu November ni 5-8 chhung khan search team te'n hmun thumah inthenin tanpuina diltute chu an chenna inah an kalchilha, an farm dinhmunte an enpuin an titipui zel a. AH & Vety. Department hnuaiia hand holding scheme pilot phase atan hian diltu engemawzat zinga mi 67; Ar vulh 19, Kel vulh 8, Vawk vulh 30, Bawng vulh 6, Ran chaw siamna 2 bakah sa leh bawngnute sawngbawlina lam siam diltu 2 te District hrang hrang atangin pilot project atan thlanchhuah an ni a, hemi atana loan senso ngai tur zat chu cheng nuai 1700 chuang a ni a. Pilot phase atana thlan chhuahte hi Planning & Programme Implementation Department-ah Apex Body-in an enfel leh tura thehluh a ni ang.

He meeting-ah hian AH & Vety. Department Special Secretary Pu Ajit Roy leh Director Dr. R. Zothanmawii bakah hand holding scheme buaipuitu Official-te an tel a ni.

<><><>

KOLASIB NH

National Highway 306 leh National Highway 06 siam hnathawh mek chak zawka hmalak a nih theih nan Kolasib DC kaihhruaiin vawiin khan DC Conference Hall-ah thlirho a ni a.

Kolasib DC chuan National Highway 306 leh National Highway 06 chu Mizoram State luhka kawng a nih angin State Life-Line pawimawh tak a ni a, State mipuite ei leh bar leh mamawh hrang hrang chawkluhna a innghat a ni tih hriain NHIDCL-te leh Joint Action Committee thawhona inkarah langtlang leh thawhona tha tak neih a tul thu a sawi a. Kawngpui tha leh tlo siam a nih theih nan hmanraw tha leh tlo hmang turin NHIDCL aiawh kalte chu a chah a, an hmalakna kawnga harsatna awmte District Magistrate hnenah thlen hreh lo turin a chah baw.

Kolasib Senior SP David H. Lalthangliana pawhin he hunah hian thu sawiin, Mizoram mipuite'n ram hmasawna leh Sawrkar hmalakna te an ngaihvenin, khawtlang leh tlawmngai pawl hrang hrangte pawhin heng Sawrkar hmalakna ah hian a thawktute harsatna sutkian kawngah pui turin an in huam tih hrereng turin a chah a. Kawng siam hna thawh laia lirthei kalin hna a tih khaihlak loh nan Kolasib Traffic Police lamte pawn hma an lak theih tur thu a sawi baw.

Tun dinhmunah National Highway 306 leh National Highway 06 siamthat hna hi NHIDCL hnuaiiah Balaji Construction Company-te'n an thawk mek a, Jungle Clearance leh Pot Hole hnawh hna thawh mek a ni a. Kawngpui Black Top hna chak taka thawk turin an inbuatsaih tan mek a. Kum 2025 March thlaah Vairengte to Bilkhawthlir leh Kolasib to Kawnpui kawngpui thawmthat hna zawh hman tura beisei a ni.

He thutkhawmna ah hian Kolasib Addl DC, Kawnpui SDO Civil, Mizoram NHIDCL a thawktute, Kolasib District Joint YMA-te leh Kolasib District Village Council President-te bakah Highway Construction Company-te an tel a ni.

<><><>

AIR NEWS ON SOCIAL MEDIA

Chanchintha hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchintha hi ngaihthlak leh chhiar theih a dah a ni.

<><><>

JHARKHAND

Jharkhand Assembly inthlan thawhkhatna chu vawiin khan venhimna khauh taka neih a ni a. Hriat theih chinah chawhnu dar 3 thleng khan vote zaa 59 a tla tawh. Puan tawh angin Assembly bial 43-ah vote thlak a ni a. Inthlan thawhkhatnaah hian voter vaibelchhe khat leh nuai 37 chuangin candidate 683 te dinhmun an tichiang dawn a. Candidate zingah hian 73 chu hmeichhia an ni. Kan correspondent report I lo ngaithla ang u.

VC

Inthlan thawhnhina hi tun thla ni 20 ah Assembly bial 38 ah neih a ni leh dawn a. Vote hi tla te hi tun thla ni 23 ah chhiar a ni ang. Jharkhand Chief Electoral Officer K.Ravi Kumar chuan inthlan puan anih atanga dan phalloh sum leh bungrua an man tawh hi cheng vaibelchhe 179 hu a ting tawh a ti a.

<><><>

BY-ELECTION

Vawiin vek khan Assembly bial 33 leh Wayanad Lok Sabha By-election vote thlak a ni bawk a.

By-election neihna Assembly bialte hi Rajasthan ah pasarih, West Bengal-ah paruk, Assam ah panga, Bihar ah pali, Karnataka ah pathum leh Madhya Pradesh leh Sikkim ah pahnih ve ve a ni a. Kerala, Chhatisgarh, Gujarat leh Meghalaya-ah te seat khat theuhah inthlan a ni.

Hei bakah hian Congress hruaitu Rahul Gandhi-a bial chhuahsan tak Kerala-a Wayanad bialah inthlan neih a ni bawk a ni.

<><><>

PM

Prime Minister Narendra Modia chuan vawiin khan ramchhung rel station hrang hranga damdawi mantlawm zawrhna Pradhan Mantri Bharatiya Jan Aushadi Kendras 18 a hawng. Pu Modia chuan Bihar-a Darbhanga atangin Kendra te hi a hawng a, hei bakah hian cheng vaibelchhe sing khat leh sang 2 hu hmasawna project a hawng bawk a ni.

Thusawiin Prime Minister Modia chuan a sawrkar chuan hriselna tluantling neih chu a tum ber a ni a ti.

Pu Modia chuan Kum nga lo awm tur chhungin medical seat sing 7 leh sang 5 hawn belh leh a ni ang a ti a. Hindi leh tawng dangin medical education kalpui turin sawrkar chuan hma a la tih a sawi bawk a ni.

<><><>